

DIARII

I MARZO MDXXX. — XXX SETTEMBRE MDXXX

I MARINI SANUTI LEONARDI FILII DE SUCCESSU RERUM
INCIPIT LIBER QUINQUAGESIMUS TERTIUS DUCANTE
SERENISSIMO PRINCIPE ANDREA GRITTI DUCE VE-
NETIARUM.

A dì primo marzo 1530. Vene in Collegio sier Zuan da Leze di sier Michiel, qual rimase procurator de la chiezia de San Marco, del , dovendo aspetar a questo tempo a intrar, prestando ducati 800. Et da poi, volendo intrar, fece metter parte in Pregadi per tutto el Collegio, che prestando ducati per uno anno, potesse intrare allora procurator; et fu presa. Ma a Gran Consejo, io Marin Sanudo, mosso da bona coscienza, la contradisi et feci perder la parte de più de 950 balote di no; et ave pacientia, et convene aspetar el suo tempo, che è hozi, qual è venuto, et da allora in quà el ditto non mi parla et mi vol grandissimo mal. Hor vene prima in chiezia de San Marco vestito de veludo cremexin ad aldir una messa picola, accompagnato da . . . procuratori, *excepto* sier Polo Capello el cavalier et sier Alvisè Pasqualigo, sono indisposti, et tutti li altri vi fu, *excepto* ancora sier Lunardo Mocenigo è vecchio; et altri soi parenti erano, non però molti, tra li qual vi era in veludo cremexin sier Michiel da Leze suo padre. Hor in Collegio tolto le chiave de la Procuratia dal Serenissimo *pro forma*, et jurato la observantia del suo capitular, andò a casa et fè pranzo a li procuratori, *excepto* do vecchi, sier Domenego Trivixan

et sier Luca Trun; sichè numero . . . procuratori disnò con lui, et altri soi parenti. Adunca sier Hironimo Justinian procurator si vede mò tre zeneri procuratori, sier Vetor Grimani, sier Vincenzo Grimani, di soe figliole, et sier Zuan da Leze, de sua fiastra, fo da chà Badoer. *Et haec satis.* Sono adunca tutti li Procuratori al presente al numero vinti.

Da Bologna, fo lettere di 8 oratori nostri, di 26. Di haver tolto licentia quel zorno poi disnar da la Cesarea Maestà *ut in litteris*, et cussi se partiriano li quatro per venir a repatriar, et cussi faria esso sier Gasparo Contarini. El duca di Milan stava meglio.

Da poi disnar, per esser marti de carlevar, non fo alcuna cosa.

Si have nova, sier Hironimo da chà da Pexaro capitano zeneral da mar esser zonto a Curzola a dì 24 fevrer, qual vien a disarmar, et sier Zuan Vituri, stato proveditor zeneral in Puia, esser zonto a Zara, qual *etiam* lui vien a repatriar.

Da Ferrara, di sier Marco Antonio Venier el dottor, de . . . Scrive colloqui habuti col signor duca, qual ha lettere di soi oratori, da Bologna, che monsignor di Granvilla li havia dito, sperava che le cose di esso duca con il papa se aseteria, et poi par li dicesse el dito duca poteva venir a Ferrara (*Bologna*), perchè così il papa havia contentà, i quali risposeno che

Da Cival di Friul, di sier Gregorio Pizmano proveditor, di 24, avi lettere, con que-